

ARTICULUS XXI.

DE ANTICHRISTO. APHORISMUS.

Antichristus *κατ' ἐξοχὴν* sic dictus & specialiter, est hostis *Descriptio Ecclesiæ Christianæ capitalis*, in quâ furore Diaboli ini- *Anti-*
quitate hominum & judiciariâ DEi ordinatione erupit, *Christi,*
atque ut caput successivum certi hominum ordinis
ἀπόστων & ἀρχιερῶν adversus Christi doctrinam cum su-
perbia supra DEum & magistratum religionis titulō
continuo orthodoxos prosequitur & eorum Ecclesiam
quantum potest pessundat, destruendus plenissime
tempore adventus Christi ad judicium. Quæ descri-
ptio in Pontificem Romanum apprimè quadrat.

EXPLICATIO.

I. Antichristus.

1. Nomen hoc est *Ἐγγένεθλος*, quinquies enim in Bibliis sacris occurrit,
 & quidem ab Evangelistâ & Apostolô Johanne tantum usurpatur,
 1. Joh. II. bis occurrit, nempe v. 18. & 22. cap. IV, 3. 2. Joh. v. 7.
2. Componitur ex *χριστός* & præpositione *άντι*, quæ præpositio *άντι*
 diversas habet in Scripturâ significationes. Tres tamen potissimum
 ad præsentem locum pertinent.
 - a) Quatenus notat eum, qui alteri adversatur eidemque sese oppo-
 nit, ut Luc. XIII, 17.
 - b) Quatenus notat æqualitatem, ut Rom. I, 27. habetur *ἀντιμίθια*,
 quæ vox præmium vel compensationem æqualem significat.
 Sic Antichristus se æqualem DEo constituit.
 - c) Quatenus notat vicem alterius sustinere, ut *ἀντίλυτος*, quod signi-
 ficat pretium vice alterius solutum & 1. Timoth. II, 6. de Christo
 usurpatur. Quæ significatio etiam in Antichristum quadrat, ait
 enim se vicem DEi gerere in his terris, ubi ex insolenti inscriptio-
 ne Pauli V. patet, quæ ita habebat: *Paulo V. Vice Deo.*